



11. april 2011

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

**Naalakkersuisunut apeqquq:**

**1. Naalakkersuisut Inatsisinik atortitsinermit ministerimut saaffiginnippat taanna qinnuiginiarlugu Kalaallit Nunaanni pinerluttaalisitsinermit inatsimmut aalajangersakkamik nutaamik siunnersuuteqassasoq, qulakkeerniarlugu kinguaassiutitigut meeqqanik atornerluinerit qanganitsinngisaannartarnissaat?**

**Taamaassimangippat; Naalakkersuisut saaffiginninniarlutik pilersaaruteqarpat?**

(Inatsisartunut ilaasortaq Astrid Fleischer Rex, Demokraatit)

**Tungavilersuut:**

2008-mi Inatsisartut upernaakkut ataatsimiimmata ulloq 15. maj siunnersuut ima ittoq saqqummiuppara:

*Suliassat meeqqanik kinguaassiutitigut atornerluinermit tungasut pisoqalisinnaannginnerannik qulakkeerisumik pinerluttulerinermik inatsimmi aalajangersakkamik ilanngussisoqarnissaanik siunnersuummik saqqummiusseqqullugu Justitsministerip qinnuigineqarnissaa pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut.*

Siunnersuut ilassilluarneqarpoq taamani Naalakkersuisuusunit kiisalu partiinit tamanit. Siunnersuut tamatuma kingorna Inatsisinik atortitsinermit Ataatsimiititaliamut suliareqqitassanngorlugu innersuunneqarpoq.

Siunnersuut 2008- mi ukiakkut ataatsimiinnermi aappassaaneerneqartussaagalarpoq, 2009-mi upernaakkut ataatsimiinnissamut kinguartinneqarpoq, qinersisoqartussanngornerani pissutigalugu oqaaluuserineqanngitsoorluni.

Neriuppunga Naalakkersuisut danskit Inatsisinik atortitsinermit ministeriannut saaffiginnereer-



**DEMOKRAATIT**  
DEMOKRATERNE

simassasut – taamaassimangippat neriuppunga Naalackersuisut saaffiginnikkumaartut manna apeqquaqat suleriaasimi § 37 naapertorlugu saqqummiunneqartoq tunngavigalugu.

Apeqquut piffissaritaasup iluani ullut suliffiusut naliginnaasut qulit qaangiutsinnagit akeqquneqarpoq.